



傅素春 小姐

客語・現代詩・教師組

第三名

得獎作品

剪絡

得獎感言

做為初初嘗試以兒時母語說話的中年婦女，如果字裡行間還有一些值得說與他人的可能，都要感謝我所生長的土地、家鄉，以及我已在另一個世界的父母。如果詩的語言裡還有一些值得他人多耽擱片刻之地，則必須仰望如此快速、一切滑而逝的時代裡，仍有這樣一顆時不時感到需要沉靜面對生命的心。深深感謝教育部與承辦單位、評審們，為母語書寫開墾、留下的一方園地。

剪絡

月半，年過忒了
雨毛仔跔等雨毛，濛煙裡肚
還有濛煙
打露涵著打露
田肚个春水含著一坵坵青青个夢
夢到底个暗晡頭
披著剪忒一角个月光
輕輕

避暑，偲同日仔還旨想跔床
跔床當久个你踏出朝晨
踏入天井一聲聲「蚬仔」跔著當烈个日光
蹶上
房間个窗門
不細意走出來个腳趾尾
頭一個睡醒
你个滿女盡想著有滿把日光好剪

行寮發性躍上躍下暢快反躁，無意
儆惜歲月

秋分，滿把个日光越剪越短
你个記才像一個個打開个拖箱
擘等嘴
無聲。
啖嘴个蚬仔這下分慢分个時鐘喊醒

「みえこ（美惠子），你仰會來。」
看入你眨眨个目珠，有一隻磅空
無底。囡著幾深个烏

發譴猜疑緊張孤栖怨怪妄想，失神
恹心事

冬下頭，合一味當歸。
你弓在醫院个眠床
周身分人生个線索綯核核
恬靜到
過分个四面白牆，敵氣
都會驚到圈塞塞个布簾
偲在心肝肚放一門望風个紙鷂
骨架夾縫裡肚皺皮無說个話
淨伸等風
來。
當歸性辛甘，用在心肝

月半，對年過了。
雨毛摻雨毛仔，濛煙裡肚打露
打露个夢有時會鑽入曩時堆累
堆累个杳見角著驚醒來
月光帶嵐
目直目澀又濛紗煙个一個良康个朝晨
坑壠蓄堆著無位講个皺皮話
當歸性甘辛，這下用在通血避生鹵